

鄉鎮志專輯

中國地方志集成

鄉鎮志專輯 ③

責任編輯 卞惠興
封面設計 范一辛

中國地方志集成

鄉鎮志專輯 ③①

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所

1992年7月第1版 1992年7月第1次印刷

ISBN 7-80519-402-5 / K·226

龍山鄉志序

余自奉

命來粵於茲十四年矣回憶

未入粵時已知廣州有順

德順德有龍山及抵廣州

愈知順德之為順德龍山

龍山鄉志 葉序

之為龍山以其邑傳以其

鄉傳也而余之所以知龍

山則猶有自溫子謙山順

德龍山人也意氣倜儻所

與交游皆天下士乾隆甲

辰與余先後入直薇垣間



龍山鄉志 葉序

從郵舍接晤相得益深每
道其鄉山川風俗之美賦
稅物產之饒學術材德之
衆文章技能之富心竊慕
之然以道之云遠究何由
得至其境而為之登覽以

快斯願也越至丁未余幸

有分刺廣州之命時溫子

已先乞歸私心以為龍山

可得而至不覺為之喜迨

余抵任佛山又知地距龍

山甫數十里而喜愈甚越

日温子聞余已至果放棹
而來款洽弥日詢及龍山
之勝乃知水道迂折宦於
斯者非公事無由至不覺
喜之念轉而為悵矣又越
半載始得以事至順遂迺

道龍山登温子之堂越宿
乃去於是得覽其山川風
俗之美賦稅物產之饒詢
其學術材德之衆文章技
能之富証以前言温子果
非阿侈其鄉也而余之願

始快未幾而温子復官都
門如是契濶有年未幾而
余又擢任瓊州如是契濶
亦有年然龍山之勝未嘗
不時介於懷以不獲再至
為恨事也又越數年余有

糧儲之命適聞温子又復
乞歸不覺重為之喜以為
龍山當可再至然而不敢
必矣嘉慶庚申之秋温子
謁余省署攜鄉志凡十四
卷并言鄉向無志近習頗

不如昔暇與里中人士纂輯成書欲得余言以為鄉勸余曰此司教化者之責也其奚辭展而讀之體例不繁義類得要筆則直也詞則嚴也濫者汰之遺者

補之重鐸其大旨所存一勸善之書也是即春秋善善欲長之意也善既勸而惡自懲六一懲惡之書也是即春秋惡惡欲短之意也使龍山之人因是志而

興善去惡習與俱化安見山川風俗不愈臻於美賦稅物產不愈臻於饒學術材德不愈臻於衆文章技能不愈臻於富將前此所聞見於龍山者今且益

日上則斯志之大有造於鄉也豈淺鮮哉而余承乏是邦其願猶不止此使粵之鄉邑聞風興起亦盡如龍山之良又安見丕變之下可以化鄉不可以化邑

可以化邑不可以化國耶
操是道也即以之宰天下
亦奚不可也今

天子在上聲教四訖一道
同風凡屬廊廟之選天將
蓄其材以獻之明廷之上

將所謂潤色鴻猷正大有
事業在固不僅登一太平
風俗之書已也溫子雖欲
老於是鄉其可得耶余將
拭目以俟而厚為故人期
也爰欣然而為之序

省

嘉慶五年歲次庚申九月
重陽後三日

分巡廣東糧儲道管通省
民屯錢糧兼管水利事務
加三級葉汝蘭撰



龍山鄉志序

古郡邑之有志由來尚矣
顧鄉志每闕焉不備何也
予嘗讀鄉飲酒義孔子曰
吾觀於鄉而知王道之易
易也夫以一飲酒之故而

龍山鄉志 汪序

尊賢尚齒義可通於天下
然則天下之大人之衆
事物之原治理之要蓋莫
不自鄉始鄉顧可忽乎哉
順德為粵劇邑舊屬南海
東南之境自景泰間因亂

置邑攷邑舊志鄉三都三
都統堡四十堡統村一百
九十七而龍山一堡則舊
屬南海鼎安都地今圖四
圖統村二十一蓋又邑堡
中之最劇者故人皆以鄉

龍山鄉志 汪序

名之以其劇與邑等也雖
然邑則劇矣向之宰順德
者不憚其劇而喜其易治
鄉則劇矣向之治龍山者
不憚其劇而喜其易治則
又何也乾隆乙卯予奉

命來粵作宰旋調任茲邑甫
下車即觀風問俗按圖而
稽無鉅細今昔暇輒與士
民日習升堂而致詢焉問
廉循則俎豆幾人攷文獻
則徵信何代履田畝則賦

龍山鄉志

五序

三

稅何等望山川則繡壤若
錯懷芳烈則往蹟猶存由
是鄉堡之情形洞悉而龍
山之所以為龍山始瞭然
於心目間也然予竊有疑
焉龍山廣袤數十里烟戶

萬餘其間山之秀泉之清
不知凡幾人事之可紀風
尚之可嘉物產之可名勝
迹之可數不知凡幾邑志
所載得毋略而未盡抑有
所限而弗克登也迨接見

龍山鄉志

五序

四

其鄉之人士如黎君常功
陳君應魁輩諮訪時及又
因公事於其鄉凡三四至
焉遂得察淳澆觀好尚辨
民情窺士習大抵君子敦
詩書而崇禮讓小人懷樂

利而務農桑蓋自有明規
畫建置入

國朝休養生息百餘年間
殷殷屯屯民良土沃論者
謂邑為嶺南之寂鄉又為
邑之寂然後知向之所謂

龍山鄉志

汪序

五

不憚其劇而喜其易治者
其在斯乎其在斯乎審是
則鄉之不可以無志而龍
山一鄉尤不可以無志也
明矣因集其學士大夫父
老子弟而告之曰昔田宏

正為節度使樂聞前代忠
孝節俠之士聚書萬軸視
事暇與僚佐誦論古今賢
否黃次公治郡事即纖埃
細故罔不入其靈府予雖
不敏之二人者心常慕之

龍山鄉志

汪序

六

而況一鄉之志凡所以補
邑志之未備者其有關於
風俗人心功豈在邑志下
哉其亟為之予將樂觀厥
成也於是龍山之人甫聞
予言舉欣欣以為盛事難

逢羣欲協其願力以相襄
焉乃未及一載而予調任
新會新與順境雖接壤而
署治與龍山則相去幾二
百里時以簿書鞅掌務煩
事迫志事之集否已不暇

龍山鄉志

汪序

七

過而問矣閱嘉慶己未復
順德任私心竊喜以為志
事可商然時已有擢授岳
州之命計不久於順又當
去也甫抵邑龍山之人士
已攜志稿來謁具道同纂

姓氏而專其成者則溫謙
山舍人自京師還廣搜羅
勤考訂其力為居多云披
覽之下義例簡嚴事類明
要居然古良史風將見民
藉以化俗賴以善未始非

龍山鄉志

汪序

八

此志之一助也予雖迫於
楚行然於斯邑不忘於斯
鄉不忘於斯志愈不能忘
爰留勸善遏惡二箴以為
鄉之人勸異日歲時伏臘
聚而飲酒其當覩斯志而

念予言慎勿於一鄉乎忽之也此則予之所深願也雖然予豈獨有私於龍山哉凡鄉胥視此也然則予雖去其眷眷之懷又烏能已於言也是為序

龍山鄉志

汪序

九

嘉慶五年歲次庚申孟春穀旦

賜進士出身翰林院庶吉士知順德縣事加十級汪注撰



鄉志序

詩有之維桑與梓必恭必止其義何義也桑梓一植物耳以其為父母之鄉之所植也每一念焉而不覺為之悚然恭肅然敬也非

龍山鄉志

黃序

一

重桑梓也重乎其鄉也而況吾父母之鄉昔有忠臣焉有義士焉其遺烈可追也有嘉言焉有懿行焉其遺芳可溯也其水某山昔人之所釣遊其遺蹟具在

也某姑某書昔人之所撰
著其遺澤於存也甚至匹
夫匹婦之微其事可風一
言之動之細其善可則名
園遠榭可以游觀茅泮靈
禽可以娛適苟為吾鄉之

龍山鄉志

黃序

二

美可以信今即可以傳後
皆當一一識之不敢忘也
願者時生長於斯飲食於
斯聚國族於斯法之數典
忘祖習焉矣遠矣後有念
舊德服先疇以無忘先正

自古處徒令後世一二有
心人求所以表揚總事上
溯芳規無由也則以無志
之故予鄉自宋迄明自明
迄今其法述遺事所載於
邑志者已概之可考於合

龍山鄉志

黃序

三

數十堡之事物而聚於邑
卷帙幾何其不克詳者勢
也出三二人之手而披誌
鄉見聞有限其不克核者
亦勢也非有藉於鄉志安
能盡潛幽備記載於無

竊其不至全前人所遺因
歸於泯一沒一也鮮矣居
恒每竊自揣人生自少至
壯自壯至老觀世如史觀
史如花類多隨境輟志惟
所不能想置於懷者則莫

龍山鄉志

黃序

四

鄉家予念居鄉日少二十
餘年奔走官途歷薊北臨
桂西南轉北轍幾無寧晷
常與僚佐談及鄉園遺事
每歎鄉向無志著時之限
於採訪者固恐久而愈湮

即計自乾隆庚午以後數
十載事跡可傳節行可採
嘗復不少不有志事公無
以備異日郡邑披羅而重
失前代留貽是後人之責
也嘉慶壬戌冬月自柳州

龍山鄉志

黃序

五

解組旋里父兄宗族笑能
可親朋好法素情話如舊
適溫誼山舍人先已乞歸
在籍暇相過晤語及鄉志
始知與同里佐君子披牙
遺逸纂輯成書不禁悚然

而恭尚然而教愈宏桑梓
之地義不能忘古人之所
以重其鄉而不輕去蓋有
由於而法君子之先得我
心為何如也至其志備三
長體臻完善固与郡邑相

龍山鄉志

黃序

六

為表裏用以上承

聖代之良模而預備輔軒之

諮訪矣有媿焉 告

嘉慶十年歲次乙丑孟春

吉旦里人黃玉登撰



鄉志序

志何為而輯也或曰昉於
史也鄉志何為而輯也或
曰昉於郡邑也古者國有
史院臣掌之郡有籍邑有
乘有司職之鄉有評族有

龍山鄉志

序

一

譜父老尸之然則志其史
之一端乎鄉又郡邑之一
端乎鄉之有志其即鄉評
之所在乎乃言志而不言
評何也志者志其事也鄉
志云者蓋曰舉鄉之事志

之而已嘉慶戊午之春余
自邨乞歸時陳君鼇麓已
解組家居距余舍半里閒
與評論鄉族事每顧余而
言曰龍山地廣人稠視邑
諸鄉爲寔鉅自宋迄今其

龍山鄉志

序

二

可登志乘者比比也竊恨
邑志不克廣收且不免有
遺此取彼之患豈採訪之
未周歟吾嘗欲勒成一書
而未果也今老矣子精力
未衰亦有志於斯否余曰

鄉前未有志毋乃事涉於
創乎曰非創也鄉之事其
已見於邑志者半未見於
邑志者亦半亦因其已然
之迹而縷陳之可耳奚創
爲余未有以應或有起而

龍山鄉志

序

三

相難曰郡邑之志具在郡
合而括邑專而詳是亦足
矣鄉復各自爲志何其不
憚煩也余曰郡之視邑猶
邑之視鄉郡不能專而詳
必有待於邑邑亦不能專

而詳不又有待於鄉耶或曰鄉志之輯其難有四鄉之山川幾何人物幾何必不足以誇形勝耀材德其難一鄉之建置幾何賦稅幾何必不足以論沿革言

食貨其難二鄉之黨塾幾何團練幾何必不足以存學校驗防守其難三鄉之科甲幾何金石幾何必不足以備選辟徵文獻其難四余曰子何小視龍山哉

龍山山不高而秀水不深而長陟金紫天湖之巔羣山如拱遠海如帶何其壯也其間鍾秀毓靈代有忠節才華之彥世有貞操烈行之遺至於事蹟昭垂則

流傳未泯丁糧殷盛則樂利堪稱家絃戶誦則室有詩書俗厚風淳則野無盜賊功名之士時貢明廷文章之貽代膾人口特其不獲詳於邑者邑有以限之